

清源鄉志卷之十八

志餘

事有無裨人心無關政治而好事者往往摭拾稗官野史妄言妄聽殊屬不經夫齊東野語固宜盡芟其或閒文瑣事可以補正史之遺而作博雅之助是亦管子雜篇意也故於諸志之外而以志餘殿焉

李翥筆記云左傳魏獻子爲政分祁氏之田爲七邑以智徐吾爲涂水大夫魏戊爲梗陽大夫其語

清源鄉志

卷十八

四

自爲記事本不相屬傳蓋言獻子旣分祁氏田又別用智徐吾魏戊爲邑大夫涂水梗陽本非祁氏田也後之解者連讀之遂若梗陽等處亦祁氏地爲獻子所分矣

榆次縣志

陶唐城帝堯自涿鹿徙都於此俗謂之堯城見一統志而舊志又以爲造厯之所不知何據按古書言帝堯所居者三一爲帝都漢志云河東本唐堯所居應劭曰平陽堯都在平水之陽是也一在太原晉陽縣爲始封之國漢志云故詩唐國周成王

滅唐封弟叔虞是也一在中山唐縣漢志云堯山
在南應劭曰故堯國張晏曰堯爲唐侯國於此是
也鄭康成詩譜云唐者帝堯舊都今日太原晉陽
是堯始居此後乃遷河東平陽皇甫謐帝王世紀
云堯始封於唐今中山唐縣後徙晉陽及爲天子
都平陽此皆在冀州之域故曰維彼陶唐有此冀
方也而濟陰定陶縣後漢郡國志亦云帝堯所居
禹貢

錐指

閻百詩尙書古文疏證云蔡傳堯初爲唐侯後爲

清源鄉志

卷十八

四

天子都陶故曰陶唐按堯爲天子實先都吾晉陽
後遷於平陽從不聞都陶之事真屬臆語卽書疏
左氏杜註孔疏亦不確漢書臣瓚注堯初居唐後
居陶故曰陶唐師古曰瓚說非是許慎說文解字
云陶卽再成也在濟陰夏書曰東至陶卽陶卽有
堯城堯嘗居之後居於唐故晉陽亦有堯城因號
陶唐氏斯得其解矣

禹貢
錐指

王儀字克敬文安人嘉靖二十年遷山西右參政
分守冀甯寇抵清源城時兵餉缺乏儀用疑敵計

洞開城門寇果疑引去 節錄明史

順治五年副都統愛松古率蒙古兵六百駐防太原四月太同叛鎮姜瓖黨十餘萬由清源犯太原愛松古與巡撫祝世昌議賊勢猖獗宜相度形勢據險防堵使不得逼城下乃分遣將士赴清源禦之明年瓖黨陷汾州

上諭固守太原勿輕進勦四月乃於城南八十里立營偵賊攻清源縣城副都統卦喇偕參領羅碩分路擊之賊棄城遁斬首五千級五月偽撫姜建勦清源鄉志 卷十八 吳
擁眾十餘萬復破清源立柵晉祠堡會端重親王博洛統師破賊賊始平 節錄滿漢名臣傳

順治六年四月初二日交山寇破汾州以陝西舉人李昌言爲僞知府賊將沈海等置酒高會約半月東破清源清源知縣程觀光挈印走省賊以交城人陳敏學爲清源僞知縣分遣其黨南掠徐溝太谷以次破惟榆次太原固守五月會端重親王以大兵至盡復清源徐溝地陳敏學敗竄 交寇紀畧

康熙九年三月初十日交城縣知縣趙吉士自省

旋過清源執邑令張汝瑚手曰山賊大起矣吾輩
左右皆賊黨吾備之無刻忘顧君屬民情太懈不
能無憂汝瑚曰吾邑貧甚吾庫無分文卽有警不
在城其村落乎吉士去後數日嵐永臨汾交諸邑
時聞警十四日午謀報靜樂縣賊將百人自周洪
山南出不知所向吉士復遺書汝瑚急爲備清源
縣南社村民溫姓者家頗裕羣盜謀劫之賊首趙
應龍者壯健力敵十夫諸賊兄事之議既定集眾
期西山半嶺取齊是日清源令汝瑚以事同訓導
李開秀禮生某等五人偕至西山無樑殿飲酒將
暮天大風塵沙漲天應龍等方至半嶺候賊夥忽
訛傳官兵已破賊羣賊惶遽喧亂而汝瑚等適回
城聞譁聲振野俱四散走訓導開秀馬逸且風沙
不辨反衝入賊隊賊方聞信驚恐見匹馬突至以
爲官兵捕緝不知爲訓導也爭格戰手刃砍之立
斃應龍遂乘開秀馬偕賊眾入山吉士聞之立傳
小票命急率鄉兵扼山中要道絕其歸路戒左右
毋洩是日五鼓賊眾俱困馬鞍山谷中清源由是

獲免

交寇紀畧

永甯州于清端公成龍由崇禎己卯副榜選授廣西羅城縣知縣順治十八年之官行李蕭條次清源同年生王君吉人所其人慷慨好義反覆開譬謂羅城非吉祥地夙知成龍家食尚可自給勸之勿往成龍時年四十五矣然英氣有餘私心自度古人利不苟趨害不苟避之義何爲也俯首不答王亦默知其意揮淚別去

節錄午亭文編

屠賈村西北巖香寺相傳有牧者過巖下聞巖內

清源鄉志

卷十八

吳

忽作聲曰洞門幾時開牧者心異之如是者數日一日漫應之曰今日開言未已訇然一聲山崩數丈現出石洞二中有石佛大小數百餘鬚眉如繪村人於其地建寺焉此宋元祐間事至今香火猶盛

予居榎陽外家見羅懷天清光外湛色潤而瑩與內兄言此君作用非他可埒後中萬曆戊午鄉薦

歷漢中兵備

原李耳載

羅曙海日向榎陽人爲諸生有聲邑侯邵公延主

西席一日詣塾見羅公憑几而寢旁立一藍面紅
髮者邵公止足囑童候睡醒以告邵公出語曰今
科癸卯君必大魁兆已明示矣但不可洩先同我
以清酌奠之放榜中十八名乞恩授南直績溪教
諭尋陞陝西甯羌知州爲人清介有守 原李耳載
汾河遷徙不常每徙必有河燈燈所至處卽河所
徙處同治九年河徙青堆村民夜見河燈數百朗
朗如明星焉

同治十二年東穆家莊村民遇一蛇長尺餘身金

色頭微方而有角與常蛇不類村人供諸龍天廟
頗著靈異村人有久客河南歸者見之以爲黃河
金龍四大王來遊於此云

清源縣舊志跋

邑之有乘猶歷代之有鑑廣輿之有記也鑑不過昭
勸懲而乘之義類更備記不過載梗槩而乘之收羅
更詳以一邑言之乘視鑑與記殆尤要也吾不知清
源之何以無乘會邑令和公於百廢俱興之餘與王
心孩先生從文獻家覓有心者之手錄纂輯成帙疑
者闕之所以明慎可者商之亦以示公俾一邑之山
水人文賦役風土莫不瞭如指掌詳若列眉真不朽
之盛事也與

清源鄉志

跋

順治辛丑流火閏月儒學教諭紫川劉復興題

清源鄉志跋

清源鄉也曷志乎亦清源故物也隋開皇時
恒建物於校陽舊地有清水故名清源其
山銘曰白石生澤藪曰平泉今河汾其浸芹
藪東出其水魚鹽桃李瓜壺果蔬襟山帶
河郡西屏蔽隩區萃乾隆二十九年裁物
併入徐溝而廟祀學校營防倉儲俱如舊
制年山川風氣習俗與徐溝無異而
強固地則清源之宜自為志非敢求異也

清源鄉志

跋

楊之采不述者也光緒三年

宮保湖翁

嘗云來撫晉適舉屬告郵既竭且艱
忘年既無所著續修通志之舉亦州
奉札飭纂輯志 邑侯王君子銘以山東世
家子為物宰愛士卹民百廢俱舉於徐溝
志局外別再局於清源始以誌晉之滄桑亦乃隨
此局諸君子後司銘槩夫清源土風僻陋歷世
族顯官為邑系定學名公大儒手筆以潤色
疆宇順治十八年 邑侯由邱和公監修 族祖

心強以勸修志系纂輯僅成數卷迄今二百
年來罕有續修者戶口之繁哀地土之肥瘠物
產之豐嗇風俗之變惡一切湮沒無可稽考至
於我夫節婦丁丁一行之善足以取例之方若
泚之而不克傳於世豈物土女有餘憾乎故等
方採摭之禮周而考訂之多疎略也凡邑
孝廉秦之承侯志稿若干卷自國初
迄乾嘉蒐羅事實元之本。如羅越查白文
款之徵其在世乎此天所以助成清源志也加以

近日採訪所得蒼萃爲一編絕若闕之編如補
之支免若焚汰之僅修飾之乎他茲誕不
繼之身與夫志連山水之篇不敢濫收以貽大雅
笑適幸稿成上之邑侯曰可略加點定并
新綴言簡未以法得記竊謂志者史之體
也江文通云伊生莫藉於志是言也必才學淺
量倚而學愧若伊之選也如是以議之能後生小
子率尔操觚之所孳窺也惟志之所記藉者
而加勉焉藉考覈嚴謹例予必徵實而附

會古冊治必求詳一而羈縻若雖以漸免支體踳
駁之淺則庶乎仰副我 邑侯極誠委任之至意
遠紹心殫之緒除近成秦之承侯未逮之志則
向之有餘憾在今且有餘幸矣抑又聞之禮士
古人生于書於閭史閭且有史鄉何不可有志
志以鄉名所以名於物也然此志出而一鄉之山川
風氣習俗得與諸物并傳史探風土有所藉
以考乎之體裁固無殊也然則志也以為後
日纂志之嚆矢乎可也以為舊日物治之碩果
乎亦也

邑人王詒言跋并書

